



Մ Ա Յ Ր Ա Թ Ո Ռ Ո Ւ Մ

ԱՊՐԻԼԻ 27-ԻՆ, ՈՒՐԱԹ, ուխտավորութեամբ Մայր Աթոռ ժամանեցին Հունաստանից պր. Ա. Պետրոսյանը և Պղտկյանը, Բեյրութից տեր և տիկին Զ. Ալթունյանները, Մայր Տաճարում, իջման Ս. Սեդանի առջև, իրենց ուխտն ու աղոթքը կատարելուց հետո, ուխտավորները բարձրացան Վեհաբան՝ Վեհափառ Հայրապետի օրհնութիւններն ստանալու:

ԱՊՐԻԼԻ 29-ԻՆ, ԿԻՐԱԿԻ, «ԿՐԿՆԱԶԱՏԻԿ» (սնոր կիրակի): Մայր Տաճարում պատարագեց արժանապատիվ Տ. Մկրտիչ քահանայիկայանը:

Սուրբ պատարագի երգեցողութիւնը կատարում էր Հոգեւոր ժեմարանի ուսանողութիւնը:

Սուրբ պատարագին ներկա էր Վեհափառ Հայրապետը:

ՄԱՅԻՍԻ 6-ԻՆ, ԿԻՐԱԿԻ (սնչխարհաւաւորան): Կամ Բանալ կիրակի), Մայր Տաճարում պատարագեց և քարոզեց հոգեշնորհ Տ. Մեսրոպ արեղա Պալանց բնաբան ունենալով «Աքանջիկ է խորհուրդ տնօրէնութեան քո Քրիստոս, որ իջեր ի Հօրէ ի սէր հարսին Եկեղեցւոյ զոր ընտրեցեր»:

Սուրբ պատարագին ներկա էր Վեհափառ Հայրապետը:

ՄԱՅԻՍԻ 13-ԻՆ, ԿԻՐԱԿԻ (սկարմիր կիրակի), Մայր Տաճարում պատարագեց և քարոզեց հոգեշնորհ Տ. Ներսես արեղա Պողոսյանը, բնաբան ունենալով «Եթէ Քրիստոս լիցէ յարուցեալ, ընդունալն են քարոզութիւնք մեր, ընդունալն են և հաւատքն մեր»:

Սուրբ պատարագին ներկա էին մեծ թվով սփյուռքահայ ուխտավորներ:

ՄԱՅԻՍԻ 14-ԻՆ, ԵՐԿՈՒՇԱԲԹԻ, առավոտյան ինքնաթիռով, տեր և տիկին Զ. Ալթունյանները մեկնեցին Բեյրութ, Մայր Աթոռից և Հայրենիքից իրենց հետ տանելով լավագոյն տպավորութիւններ:

ՄԱՅԻՍԻ 19-ԻՆ, ՇԱՐԱԹ, Վեհափառ Հայրապետի հրավերով, Վենետիկի Մխիթարյան միաբնակարանի անդամ Զ. Նդիա Փելիկյանը, Ս. Մեսրոպ Մաշտոցի ծննդյան 1600-ամյա հոբելյանի տոնակատարութեանց առթիւ, ժամանեց Մայր Աթոռ:

ՄԱՅԻՍԻ 20-ԻՆ, ԿԻՐԱԿԻ, «ԵՐԵՄԻԱՍ» Ս. Խալիճ: Մայր Տաճարում պատարագեց և քարոզեց հոգեշնորհ Տ. Գրիգոր արեղա Նդիայանը, բնաբան ունենալով «Փայտ կենաց որ փոխանակ մահացու պտղոյն, դժբախտոս պտղաբերեցեր»:

Սուրբ պատարագին ներկա էին սփյուռքահայ բազմաթիւ ուխտավորներ:

ՄԱՅԻՍԻ 21-ԻՆ, ԵՐԿՈՒՇԱԲԹԻ, Վեհափառ Հայրապետի հրավերով, Ս. Մեսրոպ Մաշտոցի ծննդյան 1600-ամյակի հոբելյանական տոնակատարութեանց առթիւ, Մայր Աթոռ ժամանեցին Արեւմտյան Եվրոպայի հայոց Հայրապետական պատվիրակ և Ֆրանսիայի հայոց առաջնորդ գերաշնորհ Տ. Սերովբե եպիսկոպոս Մանուկյանը, ԱՄՆ-ից պրոֆ. Մանասե Սևակը և Բեյրութից բանաստեղծ պր. Վահե Վահյանը:

ՄԱՅԻՍԻ 22-ԻՆ, ԵՐԵՄԻԱՍԹԻ, Մայր Աթոռ ժամանեց Վեհափառ Հայրապետի հյուր գրող պր. Կոստան Զարյանը իր տիկնոջ հետ:

